

PM- West Asia

प्रधानमंत्री नरेन्द्र मोदी होंरें आखेआ ऐ जे पच्छम एशिया संघर्ष दे बावजूद भारत च स्थिति काबू च ऐ। कल गुजरात दे वाव-थराद जिले दे नानी च 19 जहार 8 सौ करोड़ रुपे थवां मते दी विकास परियोजनाएं दा नीह पत्थर रक्खने ते केंड़यें दा उदघाटन करने मगरा प्रधानमंत्री होंरें एह गल्ल आकखी। इस मौके पर उ'नें आखेआ जे केन्द्र सरकार नै पच्छम एशिया संघर्ष दा असर मुख्य दे नागरिकें पर नेंई पौन दिता। मोदी होंरें आखेआ जे शुरु कीती गेदी परियोजनाएं कन्नै राबते च सुधार होग ते क्षेत्र दे समाजिक- आर्थिक विकास च सहयोग होग। उ'नें आखेआ जे उत्तरी गुजरात दे डीसा च खोलेआ गेदा वायुसेना अड्डा पच्छम भारत दी राश्ट्रीय सुरक्षा आस्तै महत्वपूर्ण ऐ। इसदे थवां पैहले प्रधानमंत्री होंरें साणंद च केयन्स सैमीकंडक्टर दे OSAT संयंत्र दा बी उदघाटन कीता।

<><><><><><>

PM- Gujrat Visit

प्रधानमंत्री नरेन्द्र मोदी होंरें आखेआ जे एह दहाका भारत दे तकनीकी विकास दा दहाका ऐ ते प्रोद्योगिकी- AI ते सैमीकंडक्टर दे क्षेत्र च मुख्य दी पैहल कन्नै पूरी दुनिया गी लाह होग। उ'नें आखेआ जे भारत सैमीकंडक्टर दे क्षेत्र च इक प्रमुख हिस्सेदार दे तौर पर उभरा'रदा ऐ।

<><><><><><>

Parliament Today

लोकसभा च अज्ज विदेशी अंशदान विनियमन संशोधन विधेयक 2026 पर चर्चा होग। एह विधेयक विदेशी अंशदान विनियमन अधिनियम 2010 च संशोधन करोग। लोकसभा च अज्ज जन विश्वास प्रावधान संशोधन विधेयक 2026 पर बी चर्चा होनी ऐ। एह विधेयक अधिनियम च संशोधन करिए किश अपराधे गी अपराध दी श्रेणी थवां बाहर करने ते उने'गी तर्क संगत बनाने दा कम्म करोग। इसदे कन्ने जीवन ते बपार च सौख आनने आस्तै विश्वास आधारित शासन गी होर मज़बूत कीता जाई सकोग। राज्यसभा च केन्द्रीय सशस्त्र पुलिस बल सामान्य प्रशासन विधेयक 2026 ते दिवाला ते शोधन अक्षमता संहिता संशोधन विधेयक 2026 पर चर्चा होनी ऐ।



Census--2027

मरदमशुमारी 2027 दा पैहला गेड़ अज्जै थमां शुरु होआ'रदा ऐ। एह दुनिया दी सब्बनें थवां बड्डी मरदमशुमारी होग। एह कारवाई 2 चरणे च कीती जाग। पैहली बारी डिजिटल तौर पर आयोजित इस जनणना च स्व-गणना दा विकल्प बी उपलब्ध होग। स्व-गणना अज्जै थवां 15 अप्रैल तगर चलोग। पैहले गेड़ च मकान सूचीकरण ते आवास गणना ते दुए गेड़ च जनसंख्या दी गिनतरी होग। इसदे आस्तै इक मार्च 2027 गी संदर्भ तीथि तय कीती गई ऐ। मकान सूचीकरण ते आवास गणना 16 अप्रैल थवां शुरु होग ते 15 मई तगर जारी रहौग। दुआ गेड़ अगले बरे फरवरी च शुरु होग। केन्द्र सरकार नै जनगणना 2027 आस्तै 11 ज्हार 718 करोड़ रपे दी रकम

मंजूर कीती ऐ। बर्फबारी आहले क्षेत्रें जियां लद्दाख- जम्मू-कश्मीर- हिमाचल प्रदेश ते उत्तराखंड आस्तै संदर्भ तरीक पैहली अक्टूबर 2026 तय कीती गई ऐ।

<><><><><><>

Income Tax Reforms

अज्ज नमें माली बरे दे शुरु होने दे कन्नै गै माली नियमें च महत्वपूर्ण बदलावें सनें केंई सुधार लागू होई गे न। टैक्स प्रणाली गी सखल्ला बनाने दे मकसद कन्नै नमां बनाया गेदा औंदन टैक्स कन्नू 2025 बी अज्जै थमां लागू होआ करदा ऐ। एह कन्नू 6एं दहाकें शा मते पराने औंदन टैक्स कन्नू दी थाहर लैग। भारती रिजर्व बैंक दे निर्देशें मूजब- अज्जै थमां देशै च सब्बै डिजिटल लैन-देन- दंडु परतें आली सुरक्षा प्रणाली दे तैहत गै तोढ़ चाढ़े जाडन। माली बरे 2026-27 लेई फास्टैग दी नमें सिरेया तय सलाना फीस बी अज्जै थमां लागू होई गई ऐ। एहदे इलावा नमां पैन कार्ड बनोआने जां पराने PAN कार्ड गी अपडेट करोआने लेई बी नमें नियम अज्जै थमां अमल च आई गे न।

<><><><><><>

Maha- Naxal Surrender

महाराष्ट्र दे गढ़चिरौली जिले च कल 30 लक्ख रपे दे कुल इनाम आहले 9 नक्सलवादियें पुलस दे सामने आत्म-समर्पण करी दिता। एह नक्सली छतीसगढ़ च सक्रिय इंद्रावती समीति ते राष्ट्रीय उद्यान क्षेत्रीय समीति दे सदस्य हे। गढ़चिरौली पुलस ने उनें'गी संविधान दी प्रतियां सौंपिएं मुख धारा च शामिल होने दा सोआगत कीता। पुलस अधीक्षक नीलोत्पल होरें दस्सेआ जे गढ़चिरौली जिले च हुन छड़े 6

सशस्त्र वर्दी धारी नक्सली गै सक्रिय बचे दे न। उ'नें बाकी रौहन्दे नक्सलिये थवां बी हथियार छोड़िए मुख्ख धारा च शामिल होने दी अपील कीती।

<><><><><><>

Trump -Iran War

अमरीका दे राष्ट्रपति डोनाल्ड ट्रम्प होरें आखेआ ऐ जे ईरान कन्नै युद्ध अगले 2 थवां त्रे हफ्तें दे अंदर खत्म करी दिता जाग। मीडिया कन्नै गल्ल करदे होई अमरीकी राष्ट्रपति ट्रम्प होरें अमरीकी सेना दे ऑपरेशन एपिक फयूरी दे तौले पूरा होने दी गल्ल आक्खी। उ'नें आखेआ जे क्षेत्र सोया वापस परतौने कन्नै पैहले अमरीका-ईरान दी हर क्षमता गी निष्क्रिय करना चाहंदा ऐ- जेड़ी ओदे आस्तै खतरा बनी सकदी ऐ। उ'नें लड़ाई गी खत्म करने थवां पैहले इक संभावित समझौते दी बी सारत दिती।

<><><><><><>

Trump --Strait of Hormuz

अमरीका दे राष्ट्रपति डोनाल्ड ट्रम्प होरें आखेआ ऐ जे ईरान कन्नै जारी तनाव दे बावजूद ओह होमुर्ज जल डमरु मध्य दी सुरक्षा थवां अमरीकी सैन्य बलें गी नेंई हटाडन। मीडिया कन्नै गल्ल करदे होई ट्रम्प होरें अंतराष्ट्रीय सहयोगियें प्रति निराशा जाहिर करदे होई आखेआ जे उ'नें इस महत्वपूर्ण समुन्द्री रस्ते दी सुरक्षा आस्तै मती जिम्मेदारी लैनी लोड़चदी ऐ। ट्रम्प होरें ईरान कन्नै चला'रदे अमरीकी- इजरायल संघर्ष च ब्रिटेन जनेह मुख्खें थमां घट्ट सैन्य समर्थन हासिल होने आहली भेठा बी सारत दिती। जहाजें ते क्षेत्रीय बुनियादी ढांचे पर लगातार ईरानी हमलें दे बावजूद ट्रम्प होरें

आखेआ जे होमुर्ज जल डमरु मध्य च कोई असल खतरा नैई ऐ। उ'नें आखेआ जे इस क्षेत्र थवां तेल दी आवा-जाई पर निर्भर मुखें गी इस रस्ते दी सुरक्षा च मती सक्रिय भूमिका निभानी चाईदी। होमुर्ज जल डमरु मध्य दुनिया दे सब्बनें थमां महत्वपूर्ण तेल रस्ते चा इक ऐ। उत्थुआं वैश्विक आपूर्ति दा लगभग 20 फीसद तेल लंघदा ऐ।

<><><><><><>

LPG Price Hike

तेल कम्पनियें अज्जै थमां महानगरें च बवसायिक LPG गैस सलेंडर दी कीमत च 195 रपे 50 पैसे दा बाददा करी दिता ऐ। Indian Oil Corporation Ltd. दी वेबसाईट मूजब दिल्ली च बवसायिक LPG गैस सलेंडर दी कीमत 2 जहार 78 रपे 50 पैसे होई गई ऐ। इस्सै चाली कोलकाता च बवसायिक LPG सलेंडर दा मुल्ल 2 जहार 208 रपे मुम्बई च 2 जहार 31 रपे ते चेन्नेई च 2 जहार 246 रपे होई गेआ ऐ। 19 किलोग्राम आस्टै बवसायिक LPG सलेंडर दियां एह नमियां कीमतां अज्जै थमां लागू होई गइयां न। ऊआं घरेलू LPG सलेंडरें दियें कीमतें च कोई बी तब्दीली नैई कीती गई ऐ।

<><><><><><>

IPL

IPL क्रिकेट च नमें खडारी कूपर कॉनॉली दे नाबाद 72 रन दी पारी दे बदौलत पंजाब किंगस नै प्रतियोगिता दे चौथे मुकाबले च गुजरात टाइटन्स गी 3 विकट कन्नै हराई दिता। एह मुकाबला कल नमें चंडीगढ़ दे महाराजा यादविंद्र सिंह अंतराष्ट्रीय क्रिकेट स्टेडियम च खेडेआ गेआ। गुजरात टाइटन्स नै तय 20 ओवर च 162 रन्ज बनाए। कूपर गी मैन ऑफ द मैच चुनेआ गेआ। IPL च अज्ज लखनऊ Super Giants दा

मुकाबला Delhi Capitals कन्ने होग। एह मैच भारत रत्न श्री अटल बिहारी वाजपेई Ekana क्रिकेट स्टेडियम लखनऊ च संजा साइडे 7 बजे होग।

<><><><><><>

IMD

अरुणाचल प्रदेश- असम ते मेघालय च अज्ज बरखा दी संभावना जताई गई ऐ। मौसम विभाग नै छत्तीसगढ़- महाराष्ट्र ते तेलंगाना च कल्लै तगर गरज ते ऐन गड़ा पौने दी पेशगोई कीती ऐ। झारखंड- मध्य प्रदेश- ओडिशा- पूर्वी राजस्थान कोंकण ते गोवा च अज्ज गरज कन्ने बिजली मिलकी सकदी ऐ। तटीय कर्नाटक- आंतरिक कर्नाटक- केरल- माहे- तटीय आंध्र प्रदेश- तेलंगाना- उप-हिमालयी पच्छिम बंगाल- सिक्किम ते पूर्वोत्तर राज्य च बी इय्यै नैई स्थिति रहौग।

<><><><><><>